



## DECRETO

Celebrado o procedemento selectivo para a provisión do posto de Xerente do Consorcio Provincial de Lugo para Prestación do Servizo Contra Incendios e Salvamento, cuxas bases fixéronse públicas no B.O.P. de Lugo número 029 de data 4 de febreiro do 2019.

Vista a proposta de contratación do Tribunal de Selección nomeado para levar a cabo as probas selectivas de data 27 de marzo do 2019; Visto que a aspirante proposto presentou ou figura no seu expediente persoal a documentación a que se refire o punto 13 das bases que rexen esta convocatoria, cumprindo por tanto os requisitos esixidos no artigo 56 e 57 do Real Decreto Lexislativo 5/2015, do 30 de outubro, polo que se aproba o texto refundido da Lei do Estatuto Básico do Empregado Público.

Visto o punto 1 das bases da convocatoria onde se establece que:

*“É obxecto das presentes bases a selección dun Administrativo de xestión económico-administrativa, como persoal funcionario de carácter interino (Administrativo de Administración Xeral, Sub-escala Administrativa, grupo C1).*

*A modalidade do nomeamento é de interinidade e as retribucións son as que lle corresponden a un Administrativo de Administración Xeral da Deputación Provincial de Lugo, na súa categoría de “posto de entrada”.*

*O nomeamento como persoal funcionario interino realizarase ao abeiro do establecido no art. 10. 1 d), Real Decreto Lexislativo 5/2015, de 30 de outubro, polo que se aproba o Texto Refundido da Lei do Estatuto Básico do Empregado Público, polo exceso ou acumulación de tarefas e polo prazo máximo de seis meses, dentro dun período de doce meses.*

*Ademais, as prazas/postos/empregos vacantes de carácter temporal, correspondentes á categoría sinalada, poderán ser cubertas, como consecuencia dalgúns dos supostos seguintes, con arranxo á bolsa regulada nas presentes bases:*

- a) Substitución de persoal en situación de incapacidade temporal.*
- b) Substitución de persoal durante os períodos de descanso por maternidade, adopción, acollemento, risco durante o embarazo ou risco durante a lactación natural. Substitución de persoal en situación de excedencia, comisión de servizos con dereito a reserva de posto ou situación de servizos especiais.*
- c) Substitución de persoal vítima de violencia de xénero que suspendesen o seu contrato de traballo nos termos da Lei Orgánica 1/2004, do 28 de decembro, de Medidas de Protección Integral contra a Violencia de Xénero.*
- d) Por necesidade urxente de cobertura de praza vacante ou acumulación de tarefas. A contratación para este suposto poderá a xornada parcial en función das dispoñibilidades orzamentarias.*

Visto o punto 14 das bases da convocatoria onde se sinala que:

*“A Presidencia do Consorcio procederá ao nomeamento e toma de posesión do funcionario interino, previa xustificación das condicións de capacidade e requisitos esixidos na convocatoria. Ao persoal interino seralle de aplicación, en cando sexa adecuado á natureza da súa condición, o réxime xeral de persoal funcionario de carreira.*

*Ata que se formalice o nomeamento e toma de posesión, non se incorporará ao posto de traballo correspondente, e non terá dereito a percepción económica algunha.*

*O nomeamento que se efectúe terá carácter temporal, extinguíndose, en todo caso, a relación de servizos polo transcurso do período de seis meses”*

Visto o punto número 12 das mencionadas bases no que textualmente se di:

*“Os aspirantes que superasen os probas selectivas pasarán a integrar, no mesmo orde, a lista de substitucións a constituír para a contratación temporal indicada nas presentes Bases.”*

Polo anteriormente exposto e á vista dos informes emitidos, en uso das facultades que me confire o artigo 14 dos Estatutos do Consorcio Provincial de Lugo para a Prestación do Servizo contra Incendios e Salvamento e de acordo co punto 11 das bases da convocatoria , RESOLVO:

FUNCIONARIO/A INTERINA (art. 10. 1 d), Real Decreto Lexislativo 5/2015)

1. Nomear a Dna. Andrea Fernández Campoy, como funcionaria interina para ocupar o posto de Administrativo de Administración Xeral, Sub-escala Administrativa, grupo C, subgrupo C1, ao superar todas as probas do proceso e obter a maior cualificación final (19,25 puntos), ao abeiro do establecido no art. 10. 1 d), Real Decreto Lexislativo 5/2015, de 30 de outubro, polo que se aproba o Texto Refundido da Lei do Estatuto Básico do Empregado Público, polo exceso ou acumulación de tarefas e polo prazo máximo de seis meses, dentro dun período de doce meses, correspondéndolle percibir as retribucións sinaladas no punto 1 das bases da convocatoria (Administrativo de Administración Xeral da Deputación Provincial de Lugo, na súa categoría de “posto de entrada)

A data prevista para a toma de posesión como funcionaria interina será o 2 de abril do 2019, comezando a prestar servizos nesa mesma data.

2. Aprobar a listaxe de aspirantes que superaron todas as probas selectivas do proceso, co obxecto de integrar a correspondente a lista de substitucións a constituír para a contratación temporal indicada nas bases da convocatoria, de acordo coa seguinte orde:

Nº ORDE	APELIDOS E NOME	CUALIFICACIÓN FINAL
1	Reigosa Lombao, Agostiño	18,50
2	Ventosa Fernández, Beatriz	17,25
3	Ramos Cabrer, Mercedes	14,25
4	Ríos Pena, Xesus Manuel	14,00

Lugo a 1 de abril do 2019

O PRESIDENTE

O SECRETARIO- INTERVENTOR